

烏撒新春玉粒堆齊頭穠撒又相催高田猶怕  
夾秋旱上界俄聞發水雷幾日雲車停野外今  
宵雨旆入城來須臾簷溜如奔峽枕上吟哦一  
快哉

須知造化自心生風雨雲雷特踐形人在兩間  
元有事天於萬類豈無情焦枯蒙潤物蘇醒昏  
聾悶得涼身泰平昨夜挑笙時便背定應收捲  
向金莖

中秋無月咏曾儀吉制幹

見說瓊樓忒煞寒雲衣特地護宵端也應齒髮  
十分老自是嫦娥一笑難此夜不妨留客醉明  
年未卜共誰看歸興丘壑無窮趣何惜相從樂  
且盤

賦惠計院允堂

荆溪惠子鬚鬢鬢義理鑽研到粹精允以名堂  
由意實漫云從仕但心亨一窻春草無窮意四  
壁秋蛩不斷聲若向此中能領會始知持敬造  
存誠

謝惠計院分餉新茶

乾坤正氣清且勁長挾春風作襟韻不惟散滿